



# CUMÜN D'ARDEZ

---

## UORDEN DA CHAMONNAS PER CHATSCHADERS

### Art. 1

Las teas e chamonnas d'alp sun proprietà dal cumün politic d'Ardez. Ellas servan al ricover da la pastriglia.

Mantegnimaint e fabricats sun chosa dal cumün. Fabricats vi da stabilimaints pon gnir fats be cun acconsentimaint dal cumün.

Scha las chamonnas nu vegnan dovradas o sun vödadas düront il temp da chatscha, admitta il cumün a chatschaders chi abitan o chi han il domicil da lavur ad Ardez da tour ricover in talas.

Ün'exepziun vegn fatta be per quels chatschaders d'utrò chi daspö ons han das-chü far adöver da quist dret. Sch'ün da quels chatschaders schmetta per almain duos ons da tour ricover in tala chamonna, scrouda quist dret definitivmaing (excl. cas da malatia).

### Art. 2

Scha üna o l'otra chamonna ais occupada düront il temp da chatscha da la pastriglia, pon chatschaders tour ricover be cul permiss express dal schef champester ed il schef da las malgias. Our dal temp da chatscha pon ils pasters dar alloggi be a lur confamigliars ed a paraints.

Las clavs da las chamonnas vegnan dattas oura 3 eivnas avant la chatsch'ota e ston gnir restituidas il plü tard 10 dis davo la finischiun da la chatsch'ota in büro cumünal. Per mantegnimaints e cas motivats po gnir retrat la clav eir our dal termin indichà, pero be cul permiss dal schef champester. Quists müdamans da clavs ston gnir confermats cun suottascripziun.

Tuot las chamonnas han üna clav (Kaba 20), chi nu pon gnir copchadas. Scha las clavs nu vegnan restituidas vain müdà la serradüra a cuosts dal chaschunader.

### Art. 3

Chatschaders chi nun han fat üna cunvegna speciala cul cumün han tanter pêr istess drets ed ingün nu gioda priorità persunala. Mincha chatschader po tour ricover be in üna chamonna. Quel chi nu's suottametta ad üna relaziun amicabla e voul dominar po gnir exclus da quist dret.

### Art. 4

Las chamonnas han da gnir tgnüdas in bun uorden. Per recumbensa dal ricover gratuit s'oblajan ils chatschaders da lavar minch'on „lur“ chamonna avant l'alpagiada. I s'inclegia da sai, ch'els pisseran sves per lur laina e pel transport da quella.

### Art. 5

S-chaffas e fabricats annex han da gnir rumits cumplettamaing d'üronit il temp da trategn da la pastriglia e ston esser adüna averts.

Ogets ed otra roba privata das-cha gnir depositada in chamonna be scha'l lö permetta quai e sainza s-chaffir dischavantags per pastriglia e collegas da chatscha.

### Art. 6

Tuot las chamonnas restan avertas d'üronit il temp da chatsch'ota. Otramaing vegnan ellas serradas.

### Art. 7

Chataschaders chi nu's suottamettan a quist uorden o chi dan andit a reclamaziuns da relevanza perdan tuots drets da ricover.

Decis uschè da la suprastanza cumünala als 19-04-2005.

Il capo:



Jon Peider Strimer

La chanzlista:



Bettina Bustos